

Na osnovu člana 11. Odluke o uslovima, kriterijima i postupku dodjele sredstava za sufinansiranje mjera smanjenja aerozagađenja na području grada Tuzle („Službeni glasnik Grada Tuzla“, broj 4/19), Grad Tuzla objavljuje:

JAVNI POZIV
za dodjelu sredstava za sufinansiranje mjera smanjenja aerozagađenja
na području grada Tuzle u 2019. godini

I PREDMET JAVNOG POZIVA

Predmet javnog poziva je dodjela sredstava iz Budžeta Grada Tuzle za 2019. godinu za sufinansiranje mjera smanjenja aerozagađenja u individualnim stambenim i individualnim stambeno-poslovnim objektima na području grada Tuzle.

Pod mjerama smanjenja aerozagađenja podrazumijevaju se:

- (a) Nabavka i ugradnja toplotnih pumpi A energetske klase (prema Eurovent Energy Efficiency Classification), tipa zrak – voda ($COP \geq 3,2$), voda – voda i zemlja – voda ($COP \geq 4,45$), uz $GWP \leq 2150$, sa pratećom opremom i radovima, kao okolišno prihvatljiv način zagrijavanja objekata,
- (b) “Utopljanje” objekata radi smanjenja toplinskih gubitaka, odnosno nabavka i ugradnja materijala za izolaciju vanjskih zidova i tavanice objekata, kao i nabavka i ugradnja prozora.

II IZNOS SREDSTAVA ZA SUFINANSIRANJE

Ukupan iznos sredstava predviđen za sufinansiranje mjera smanjenja aerozagađenja na području grada Tuzle u 2019. godini je 500.000,00 KM, od čega 250.000,00 KM za mjeru iz tačke I podtačka a) i 250.000,00 KM za mjeru iz tačke I podtačka b) javnog poziva.

U slučaju neutroška cjelokupnog raspoloživog iznosa sredstava za sufinansiranje jedne mjere smanjenja aerozagađenja, neutrošeni dio sredstava će se koristiti za sufinansiranje druge mjere smanjenja aerozagađenja.

Dodjela sredstava za sufinansiranje mjera smanjenja aerozagađenja vrši se u iznosu do 50% od vrijednosti nabavke i ugradnje toplotne pumpe sa pratećom opremom i radovima, a ne više od 5.000,00 KM, ili do 50% od vrijednosti nabavke i ugradnje materijala za izolaciju vanjskih zidova, tavanice i nabavke i ugradnje prozora, a ne više od 5.000,00 KM.

U okviru navedenih iznosa, Grad Tuzla će finansirati troškove izvršenog energijskog pregleda objekta, ali ne više od 2 KM/m² građevinske bruto površine, osim u slučaju kada podnosilac prijave odustane od iste, u kojem slučaju podnosilac prijave snosi navedene troškove.

U toku budžetske 2019. godine podnosilac prijave može ostvariti pravo na sufinansiranje samo jedne mjere smanjenja aerozagađenja iz tačke I ovog javnog poziva u naznačenim iznosima.

III PREDMET PRIJAVE NA JAVNI POZIV

Predmet prijave na javni poziv mogu biti individualni stambeni i individualni stambeno-poslovni objekti u obuhvatu zona toplifikacije usvojenih od strane Gradskog vijeća

Grada Tuzle, pod uslovom da se za iste ne može osigurati načelna saglasnost JKP “Centralno grijanje” d.d. Tuzla za priključenje na sistem daljinskog grijanja.

Izuzetno, predmet prijave na javni poziv u dijelu koji se odnosi na mjere “utopljavanja” objekata mogu biti i individualni stambeni i individualni stambeno-poslovni objekti u obuhvatu zona toplifikacije usvojenih od strane Gradskog vijeća Grada Tuzle, za koje se može osigurati načelna saglasnost JKP “Centralno grijanje” d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja.

IV USLOVI ZA DODJELU SREDSTAVA ZA SUFINANSIRANJE

Podnosilac prijave mora ispunjavati sljedeće opće uslove:

- (a) da ima prijavljeno prebivalište i boravište na adresi objekta koji je predmet prijave na javni poziv, najmanje 90 (devedeset) dana prije objave javnog poziva,
- (b) da je vlasnik objekta koji je predmet prijave na javni poziv,
- (c) da posjeduje građevinsku ili upotrebnu dozvolu za objekat, odnosno dokaz da je objekat uplanjen ili dokaz da je pokrenut postupak legalizacije objekta koji je predmet prijave,
- (d) da se za zagrijavanje objekta koji je predmet prijave na javni poziv kao energent koriste fosilna goriva,
- (e) da je od strane ovlaštenog lica u skladu sa Zakonom o energijskoj efikasnosti u Federaciji Bosne i Hercegovine (“Službene novine Federacije BiH”, broj 22/17) izvršen energijski pregled objekta koji je predmet prijave na javni poziv, koji uključuje predmjer i predračun radova koji su predmet predloženih mjera,
- (f) da se objekat nalazi u zonama toplifikacije usvojenim od strane Gradskog vijeća Grada Tuzle, te da se za isti ne može osigurati načelna saglasnost JKP “Centralno grijanje” d.d. Tuzla za priključenje na sistem daljinskog grijanja,
- (g) da se objekat nalazi u zonama toplifikacije usvojenim od strane Gradskog vijeća Grada Tuzle, za koji se može osigurati načelna saglasnost JKP “Centralno grijanje” d.d. Tuzla za priključenje na sistem daljinskog grijanja, i koji nije priključen na sistem daljinskog grijanja (odnosi se isključivo na mjeru smanjenja aerozagađenja “utopljavanje” objekata).

Pored općih uslova, podnosilac prijave za dodjelu sredstava za sufinansiranje nabavke i ugradnje toplotnih pumpi mora ispunjavati sljedeće posebne uslove:

- (a) da je saglasan da će Komisiji za provođenje postupka po javnom pozivu osigurati pristup objektu u cilju utvrđivanja činjenice da se za zagrijavanje objekta koji je predmet prijave na javni poziv kao energent koriste fosilna goriva,
- (b) da je saglasan da po izvršenoj ugradnji toplotne pumpe istu neće otuđiti i koristiti uređaj koji je koristio za zagrijavanje objekta do ugradnje toplotne pumpe, odnosno uređaj za zagrijavanje sa pogonom na fosilno gorivo,
- (c) da objekat po izvršenom energijskom pregledu ima vrijednost utroška toplotne energije jednaku ili manju od 100 kWh/m² godišnje,
- (d) da je saglasan da će u roku od 24 (dvadesetčetiri) mjeseca, računajući od dana ugradnje toplotne pumpe, legalizirati objekat koji je predmet prijave, ukoliko se radi o objektu za koji je dostavljen dokaz da je pokrenut postupak legalizacije.

Pored općih uslova, podnosilac prijave za dodjelu sredstava za sufinansiranje nabavke i ugradnje materijala za izolaciju vanjskih zidova i tavanice, kao i nabavke i ugradnje prozora mora ispunjavati sljedeće posebne uslove:

- (a) objekat koji je predmet prijave na javni poziv za dodjelu sredstava za sufinansiranje nabavke i ugradnje materijala za izolaciju vanjskih zidova, tavanice i prozora, po izvršenom energijskom pregledu mora imati vrijednost utroška toplotne energije veću od 100, ali ne veću od 230 kWh/m² godišnje (ovaj uslov se ne primjenjuje na objekte u obuhvatu zona toplifikacije usvojenih od strane Gradskog vijeća Grada Tuzle, za koje se može osigurati načelna saglasnost JKP "Centralno grijanje" d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja),
- (b) podnosilac prijave dužan je u roku od najkasnije 24 (dvadesetčetiri) mjeseca, računajući od dana implementacije mjera smanjenja aerozagađenja u dijelu koji se odnosi na „utopljavanje“ objekata, prijaviti se na javni poziv za sufinansiranje mjera aerozagađenja u dijelu koji se odnosi na nabavku i ugradnju toplotne pumpe, odnosno izvršiti nabavku i ugradnju toplinske podstanice i priključiti se na sistem daljinskog grijanja ukoliko se radi o objektima u obuhvatu zona toplifikacije usvojenih od strane Gradskog vijeća Grada Tuzle, za koje se može osigurati načelna saglasnost JKP "Centralno grijanje" d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja.

V DOKUMENTACIJA KOJOM SE DOKAZUJE ISPUNJAVANJE USLOVA ZA DODJELU SREDSTAVA

Podnosilac prijave dužan je dostaviti sljedeće dokumente kojima dokazuje da ispunjava uslove za dodjelu sredstava za sufinansiranje mjera smanjenja aerozagađenja:

(a) PBA3 obrazac izdat od strane MUP-a TK, ne stariji od 30 (trideset) dana, računajući od objave javnog poziva,

(b) zemljišnoknjižni izvadak izdat od strane Općinskog suda u Tuzli za objekat koji je predmet prijave na javni poziv, ne stariji od 30 (trideset) dana, zajedno sa ovjerenom izjavom suvlasnika, ukoliko je objekat u suvlasništvu, kojom se daje saglasnost za implementaciju mjera u objektu koji je predmet prijave na javni poziv,

(c) građevinsku ili upotrebnu dozvolu izdatu od strane nadležnog organa, odnosno dokaz da je objekat koji je predmet prijave na javni poziv uplanjen ili dokaz da je pokrenut postupak legalizacije objekta koji je predmet prijave,

(d) izjavu podnosioca prijave da je saglasan da će Komisiji za provođenje postupka po javnom pozivu osigurati pristup objektu u cilju utvrđivanja činjenice da se za zagrijavanje objekta koji je predmet prijave na javni poziv kao energent koriste fosilna goriva,

(e) izjavu podnosioca prijave da će u roku od najkasnije 24 (dvadesetčetiri) mjeseca, računajući od dana implementacije mjera smanjenja aerozagađenja u dijelu koji se odnosi na „utopljavanje“ objekata, prijaviti se na javni poziv za sufinansiranje mjera aerozagađenja u dijelu koji se odnosi na nabavku i ugradnju toplotne pumpe, odnosno izvršiti nabavku i ugradnju toplinske podstanice i priključiti se na sistem daljinskog grijanja ukoliko se radi o objektima u obuhvatu zona toplifikacije usvojenih od strane Gradskog vijeća Grada Tuzle, za koje se može osigurati načelna saglasnost JKP "Centralno grijanje" d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja.

(f) izjavu podnosioca prijave ovjerenu kod nadležnog organa da po izvršenoj ugradnji toplotne pumpe istu neće otuđiti i koristiti uređaj koji je koristio za zagrijavanje objekta do ugradnje toplotne pumpe, odnosno da neće koristiti uređaj za zagrijavanje objekta sa pogonom na fosilna goriva, kao i da će u roku od 24 (dvadesetčetiri) mjeseca, računajući od dana ugradnje toplotne pumpe, legalizirati objekat koji je predmet prijave, ukoliko se radi o objektu za koji je dostavljen dokaz da je pokrenut postupak legalizacije,

(g) dokaz o izvršenom energijskom pregledu objekta koji je predmet prijave na javni poziv, na način da je isti izvršen od strane ovlaštenog lica u skladu sa Zakonom o energijskoj efikasnosti u Federaciji Bosne i Hercegovine ("Službene novine Federacije BiH", broj 22/17), a koji uključuje predmjer i predračun radova koji su predmet predloženih mjera.

Podnosilac prijave dužan je dokaze o ispunjavanju uslova za dodjelu sredstava za sufinansiranje mjera smanjenja aerozagađenja dostaviti u originalu ili ovjerenoj fotokopiji.

NAPOMENA:

Dokaz o ispunjavanju uslova u dijelu koji se odnosi na boravište, pribavlja se po službenoj dužnosti putem JKP "Vodovod i kanalizacija" d.o.o. Tuzla, dok se dokaz o ispunjavanju uslova da se objekat nalazi u zonama toplifikacije usvojenim od strane Gradskog vijeća Grada Tuzle, te da se za isti ne može osigurati načelna saglasnost JKP "Centralno grijanje" d.d. Tuzla, kao i dokaz da se objekat nalazi u zonama toplifikacije usvojenim od strane Gradskog vijeća Grada Tuzle, za koji se može osigurati načelna saglasnost JKP "Centralno grijanje" d.d. Tuzla za priključenje na sistem daljinskog grijanja, i koji nije priključen na sistem daljinskog grijanja, pribavlja po službenoj dužnosti putem JKP "Centralno grijanje" d.d. Tuzla.

Informaciju o činjenici da li se objekat koji je predmet prijave nalazi u zonama toplifikacije usvojenim od strane Gradskog vijeća Grada Tuzle zainteresovana lica mogu dobiti u JKP "Centralno grijanje" d.d. Tuzla, putem telefona +387 35 321 603, ili e-mail adrese grijanje@grijanjetuzla.ba.

Informaciju o licima ovlaštenim za vršenje energijskog pregleda objekta zainteresovana lica mogu dobiti u Ministarstvu prostornog uređenja FBiH putem telefona +387 33 726 516, ili na web stranici www.ee-infos.ba/registri/.

Podnosioci prijava koji u trenutku dostavljanja prijave ne mogu osigurati dokaz iz tačke V podtačka g), isti će dostaviti u roku do 45 (četrdesetpet) dana od dana posljednje objave preliminarne rang liste iz tačke VI javnog oglasa.

VI POSTUPAK DODJELE SREDSTAVA

Za provođenje postupka po objavi javnog poziva za dodjelu sredstava Gradonačelnik Grada Tuzle rješenjem imenuje Komisiju za provođenje postupka po javnom pozivu za dodjelu sredstava za sufinansiranje mjera smanjenja aerozagađenja na području grada Tuzle (u daljem tekstu: Komisija za provođenje postupka) i Komisiju za pregled implementiranih mjera.

Po okončanju roka za dostavu prijava Komisija za provođenje postupka utvrđuje preliminarnu listu podnosilaca prijava koji ispunjavaju opće uslove, izuzev uslova koji se odnosi na energijski pregled objekta.

Po dostavljanju dokaza o izvršenom energijskom pregledu u roku do 45 (četrdesetpet) dana od dana posljednje objave preliminarne rang liste, rješavanju po prigovorima na preliminarnu rang listu i davanju prethodne saglasnosti na energijski pregled od strane Komisije za pregled implementiranih mjera, Komisija za provođenje postupka sačinjava konačne rang liste podnosilaca prijave, posebno za nabavku i ugradnju toplotnih pumpi sa pratećom opremom i radovima, nabavku i ugradnju materijala za izolaciju vanjskih zidova, tavanice i prozora, kao i za nabavku i ugradnju materijala za izolaciju vanjskih zidova, tavanice i prozora u objektima za koje se može osigurati načelna saglasnost JKP "Centralno grijanje" d.d. Tuzla za priključenje na sistem daljinskog grijanja, i koji nisu priključeni na sistem daljinskog grijanja.

Kriterij za rangiranje podnosilaca prijave na javni poziv u okviru konačne rang liste predstavlja iznos vrijednosti utroška toplotne energije izražen u kWh/m² godišnje, odnosno smatra se da je prvi na konačnoj rang listi podnosilac prijave čiji objekat ima najnižu vrijednost utroška toplotne energije u okviru raspona propisanih u tački IV javnog poziva, po dostavljanju od strane svih podnosilaca prijave u okviru preliminarne rang liste dokaza iz tačke V podtačka g).

Prilikom sačinjavanja konačnih rang listi Komisija za provođenje postupka će uzeti u obzir raspoloživi iznos sredstava u Budžetu Grada Tuzle, shodno broju lica u okviru konačnih rang listi i iznosima sufinansiranja mjera smanjenja aerozagađenja propisanim u tački II javnog poziva.

Preliminarna lista i konačne rang liste objavljuju se na oglasnoj tabli i web stranici Grada Tuzle, kao i oglasnim tablama mjesnih zajednica.

Smatra se da je podnosilac prijave koji u roku do 45 (četrdesetpet) dana od dana posljednje objave preliminarne rang liste ne dostavi dokaz o energijskom pregledu objekta koji je predmet prijave na javni poziv odustao od prijave na javni poziv.

Na preliminarnu rang listu podnosilac prijave može podnijeti prigovor, u roku od 8 (osam) dana, računajući od dana posljednje objave preliminarne rang liste.

Po prigovoru rješava pomoćnik gradonačelnika za Službu za komunalne poslove, izgradnju i poslove mjesnih zajednica, na osnovu prethodnog pismenog izjašnjenja Komisije za provođenje postupka.

Po objavi konačnih rang listi, Služba za komunalne poslove, izgradnju i poslove mjesnih zajednica sa korisnicima sredstava zaključuje pojedinačne ugovore o sufinansiranju koji će sadržavati prava, obaveze i odgovornosti ugovornih strana.

Korisnici sredstava su obavezni u roku od 90 (devedeset) dana, računajući od dana zaključenja pojedinačnih ugovora, ili u dužem roku odobrenom od strane Komisije za provođenje postupka u slučaju opravdanih okolnosti, implementirati mjere smanjenja aerozagađenja koje su predmet sufinansiranja, te po implementaciji mjera dostaviti Službi za komunalne poslove, izgradnju i poslove mjesnih zajednica pismeni zahtjev za pregled implementiranih mjera, sa računom-fakturom za implementirane mjere, i računom o izvršenom energijskom pregledu objekta, zajedno sa dokazom o plaćanju implementiranih mjera, odnosno energijskog pregleda.

Na osnovu ugovora o sufinansiranju mjera smanjenja aerozagađenja i nalaza Komisije za pregled implementiranih mjera, kojim se utvrđuje da je izvedeno stanje u pogledu implementiranih mjera u skladu sa zaključenim ugovorom i energijskim pregledom i specifikacijom kao dijelom istog, a na prijedlog Služba za komunalne poslove, izgradnju i poslove mjesnih zajednica, Gradonačelnik će donijeti Odluku o dodjeli sredstava za sufinansiranje mjera smanjenja aerozagađenja.

Po dobijanju pozitivnog nalaza Komisije za pregled implementiranih mjera isplata iznosa sredstava naznačenih u tački II javnog poziva, vršit će se po stupanju na snagu Odluke o dodjeli sredstava za sufinansiranje mjera smanjenja aerozagađenja i u roku utvrđenom odlukom.

VII TRAJANJE JAVNOG POZIVA I NAČIN PODNOŠENJA PRIJAVA NA JAVNI POZIV

Javni poziv ostaje otvoren 15 (petnaest) dana, računajući od dana objave u najmanje jednom sredstvu informisanja na području grada Tuzle, uz isticanje na oglasnoj tabli i web stranici Grada Tuzle, kao i na oglasnim tablama mjenih zajednica na području grada Tuzle.

U slučaju da se po ovom javnom pozivu ne utroše u potpunosti sredstva iz tačke II javnog poziva, javni poziv, odnosno javni pozivi za dodjelu sredstava za sufinansiranje mjera smanjenja aerozagađenja sukcesivno će se raspisivati sve do potpunog utroška planiranih sredstava u Budžetu Grada Tuzle za 2019. godinu.

Neblagovremene i nepotpune prijave neće se uzeti u razmatranje.

Prijave na javni poziv sa propisanom dokumentacijom dostavljaju se u zatvorenoj koverti putem Centra za pružanje usluga građanima (protokol Grada Tuzle) ili preporučeno poštom na adresu:

GRAD TUZLA

Služba za komunalne poslove, izgradnju i poslove mjesnih zajednica

Ul. ZAVNOBiH-a broj 11, 75000 Tuzla, Bosna i Hercegovina

sa naznakom:

„Prijava na Javni poziv za dodjelu sredstava za sufinansiranje mjera smanjenja aerozagađenja na području grada Tuzle u 2019. godini – NE OTVARAJ“

Sve dodatne informacije o načinu i postupku učešća u javnom pozivu mogu se dobiti u Službi za komunalne poslove, izgradnju i poslove mjesnih zajednica Grada Tuzle, Komisija za provođenje postupka po javnom pozivu, direktno ili putem telefona +387 35 307 340.